


淮海英靈集

六



淮海英靈集

(六)

阮元輯

淮海英靈集

王永吉字修之。號鐵山。高郵人。明天啓進士。官蘇達總督。本朝順治二年。順天巡撫宋權薦授大理寺卿。四年。奏請遣官往直省恤刑。尋擢工部右侍郎。旋罷歸。復起戶部右侍郎。條奏衛所屯田。請撥上田給運丁濟運費。各項抵色銀。請仍令官收官解。採買物價。酌加舊額。以紓民累。洲田丈量。重爲民害。請以五年丈量一次。皆見採擇。又奏開海口故道。以洩淮泗之水。邳宿淮揚。始免昏墊。時湖川閩廣方用兵。歲又浚饑。奉諭曰。王永吉必有良策。具以聞。永吉因言汰老弱之兵。清缺額之馬。以百萬之餉計之。歲可省二十萬。卽以所餘酌定直省災傷分數蠲賑。則兵清而餉亦裕。賦減而民更安矣。上嘉納之。十年。擢兵部尙書。十一年。轉都察院左都御史。四月。授祕書院大學士。尋罷。補總督。倉場戶部侍郎。十二年。仍授國史院大學士。加太子太保。兼管吏部尙書事。十四年夏旱。奏請清理獄囚。奉敕下所司議行。十五年四月。以姪樹德私通科場關節事發。降補太常寺少卿。遷左都御史。十六年二月卒。贈少保。兼太子太保。吏部尙書。謚文通。給一品祭葬。立碑蔭一子。遣官護喪歸里。

病起和王印周水部見贈

一多高臥婉袁安。俸米何顏飽大官。絳雪元霜封藥竈。金莖玉露接仙盤。羞垂白首花前飲。借得黃庭月下看。老去不堪歌絕調。忍將清淚對君彈。

李宗孔字書雲。江都人。順治丙戌舉人。丁亥進士。由部授御史。改給事中。在臺垣先後疏凡四十餘上。皆關吏治民生。每同九卿奏事。侃侃直言。不附不阿。請假歸。康熙三十八年卽家。晉大理寺少卿。御書香山洛社額。以龍興之。家藏書畫甚多。

清明過北郊有感

繁華今古一邗關。令節遊人夜半還。士女爭攀隋苑柳。笙歌齊占夕陽山。春風如舊胭脂冷。逝水依然舟

楫閒無復從前者。舊在高枝黃鳥自緝蠻。

同人小集祕園看垂絲海棠和韻。

好鳥啼雲二月時。捲簾側看亦垂垂。豔陽得伴臨粧早。紅燭宜人照影遲。著意三春添繡線。柔情一寸裊晴絲。膽瓶莫漫輕攀折。正恐花魂戀故枝。

李

沛字平子。興化人。明太師春芳四世孫。貢才。尙氣。肆力古文。尤長于詩。著平菴詩集。

遊山子廟

南郭乘春去。西郊載酒還。遠村俱帶水。古廟獨依山。麥秀千畦綠。花飛兩岸殷。移舟看浣女。落日照紅顏。雨中過玉山。贈鏡上人。

支公開社玉山岑。乘興扁舟事遠尋。兩地烽煙勞夢寐。一秋天氣半晴陰。風吹岸柳狂難定。浪捲檣帆去不禁。獨有妙香峰頂塔。年年孤立大江心。

李

沂字子化。一字艾山。號壺菴。興化諸生。明太師春芳四世孫。沛之從弟。詩不喜晚唐。力闢竟陵一派。與中州張翀客兄弟。相爲飲助。於是興化論詩者多宗之。性情和易。而好神仙家言。著鸞嘯堂集二卷。五言如疾病聊稱隱。干戈敢怨窮。波光搖閣影。蓮氣染僧衣。地卑愁夜雨。垣短聚春星。樹密知村近。溪回指槩高。釣船同月繫。螢火雜星飛。回廊驚獨樹。新月冷雙扉。浪明川受月。巖黑霧吞林。皆幽秀可誦。

廣陵雨中走筆贈宗七鶴問

浮雲本無心。風吹任飄泊。乘興復茲遊。江春遠蕭索。旭曜隱層空。密雨灑飛閣。撫時意於邑。念舊情緬邈。

宗子南士秀。詞賦久璀璨。昔年同攜手。共訂文酒約。中道伯兄殂。佳期還寂寞。到今古渡月。空來照城郭。頻年臥滄浪。衰疾紛倚薄。便當策短筇。行采南山藥。暫與故人遊。揮手凌寥廓。

陸縣圃新構草堂歌

陸生營草堂。宗生來作歌。我見宗生歌。使我淚滂沱。千金駿馬黃金絡。鄉里小兒氣揮霍。憂人窮巷日高眠。滿腹詩書徒錯莫。宅邊隙地苦無多。量材鳩工費揣摩。編荻爲垣茅作瓦。日日東隣聞咏歌。陸生所交裁數子。我與宗生兩人耳。兩人困頓同陸生。陸生自謂逢知己。基枰酒盞兼詩筒。時時同過草堂中。桃花李花開春風。笑指海日飛晴空。歸鴉紛紛噪城郭。分手更訂來朝約。

短歌贈冒青若。

有欲不利青若父者。青若遇諸門。連被四創。而父獲免。作短歌贈之。

身受四刀不肯避。以身捍父死。不計父全寇。退身始僵。戶外淋漓血滿地。身受四刀身不死。孰云陰相非神鬼。解衣揮涕向我言。歷歷刀瘢猶在體。

送平菴遊安東

南國秋風起。高齋落井桐。爲憐垂老日。踪跡似飄蓬。無限平生意。蒼茫杯酒中。相思一片月。張挂海門東。

哭兄鑑史

卒卒餘生盡。悠悠萬事空。形骸俱有敵。宇宙自無窮。稼穡終身隱。文章早歲工。傷心青草色。池上又春風。

暮春懷王仙掌

淮海多佳士。如君未易求。老尤耽翰墨。貧不礙風流。煮茗花三徑。彈琴月半樓。滄浪冰始泮。挂席下揚州。

客舍遣懷

江樓畫角起高秋。漸覺霜威冷石頭。獨夜夢魂迷舊侶。黯窗風雨入新愁。庭空野水兼葭老。歲晚他鄉芋栗收。頗怪薄遊成汗漫。朝朝天際有歸舟。

勸孫無言歸黃山

君欲歸山胡不歸。黃山山下有柴扉。數羣門外鹿常過。萬縷牀頭雲自飛。澗響鳥喧春策杖。嵐光松色曉披衣。新安江口正東望。三十六峰橫翠微。

遊山子廟

尋春聊出郭。晴色帶川光。綠扇芳堤女。銀箏畫舸郎。鸚藏深木囀。花擁醉人香。古冢花原上。萋萋碧草長。

李

字士翔。號繡史。興化人。

春夜書懷

村舍獨愁人。寒窗坐一燈。餘生同短燭。世態似春冰。避熱一何往。低頭百不能。長懷無限恨。不覺淚沾巾。

鄧勸

字方回。泰州人。

廣陵贈杜茶村

青山未買欲何依。閱歷深緣事事違。江海波迴蒼舊盡。風塵人散管絃稀。笑看彈缺傾青蓋。喜共論心只布衣。浪跡一生詩滿篋。百年吾道付漁磯。

周

漁號素菴。興化人。順治己亥進士。官翰林。

采菱曲

采菱莫采葉。菱葉密且齊。獨有郎與妾。飄泊各東西。
采菱莫采花。菱花照妾面。妾面空如花。郎面不可見。
采菱莫采角。菱角鉸於鍼。不堪組衣帶。時時刺妾心。
采菱莫采根。菱根隨水長。郎行不棄妾。妾願隨郎往。

江上

雲中樓閣分明見。江上芙蓉次第開。白鷺幾羣依水立。青山兩岸放船來。

宿龍潭閣贈水上人

竹閣臨潭近。山溪得雨通。光搖千尺雪。響動一林風。沽酒陶潛在。燒豬佛印同。勝遊吾不倦。來往白雲中。

孫

模字皆山。通州人。順治時布衣。

舟返東臯寄訊潛夫

悔過東臯日已斜。秋風七月老蒹葭。十年離別君遠里。兩度相逢我去家。垂老幾人還小隱。薄收荒畝却宜瓜。古庭芝草讀書處。竹杖青尊溢紫霞。

陸廷掄

字懸圃。興化人。足不入城市者三十年。深于史。好曾南豐文。與李艾山王築夫爲友。嘗修泰州志。體例精嚴。爲時所稱。著酩酊堂詩文集。

過高文義公墓

夢賁推商佐。名昭協漢符。坐陳師保訓。入告帝王謨。正直朝廷忌。公忠造化孚。艱難躬盡瘁。險阻道如愚。寵曳蕭何履。恩承霍氏圖。小心扶少主。高義激頑夫。麟閣勳猶在。鸞臺跡已蕪。台衡星錯莫。鐘鼎字模糊。故國燕山外。荒墳楚澤隅。林深碑竄鼠。壠圯穴生狐。寰海勞征戰。關山急轉輸。空歌師尙父。不見管夷吾。日月光愁寂。風雲氣鬱紆。巖廊需一老。煙水弔三孤。松柏森幽徑。荆榛塞暝途。何人懷舊德。樵子薦生芻。

李景福

字梅隱。號遜菴。興化人。

暮春遣意

三春看又盡。身世一飄萍。草識王孫意。花傷遊子情。殘燈和夢斷。濁酒帶愁傾。春色將年老。悲歌送此生。

仲夏歸里舟中卽事

歲歲驅行客。風塵染鬢斑。天光平墮水。雲影薄銜山。野寺松杉古。輕鷗沙渚閒。鄉關應漸近。客夢豫期還。

與宋懌先同舟至廣陵卽送返白下。

聚歡良不易。恨別復相仍。茅店三杯酒。孤篷兩夜燈。聽鷄殘夢斷。擊楫暮江澄。遙憶君回首。煙雲更幾層。

孫兆祥

字泰階高郵人。

卽事

謗篋一朝開。孤臣絕塞來。風迴鉦鼓壯。霜隕節旄摧。鐵騎塵猶暗。玉關人已回。咸陽中夜月。無奈笛聲哀。

冒

字無譽如皋人
褒。嵩少次子。

詠懷

黃鵠摩長空。斥鷃棲卑枝。翻飛異塗軌。羽翮各有宜。力弱不自料。思與黃鵠齊。中途一失所。烏雀羣見欺。何如安枋榆。飲啄隨所依。隘途躓駿足。安步伸庸材。按劍忽不懌。西風臨高臺。極目空浩蕩。古人骨已灰。鄧侯奮刀筆。驃騎起鴛鴦。一朝附龍鳳。英氣被九垓。何必困雕蟲。坐令兩鬢衰。

胡安定先生祠前雙銀杏歌。

銀杏竝植古祠旁。高枝摩盪干穹蒼。問之野老迷歲月。但見皮肉屈僵苔。蘚裂清陰足可覆。十畝峻嶒老幹如峰立。翦伐難充棟梁用。盤踞翻逃斧斤厄。行吟偶憩茲樹中。悲風颯颯號長空。廟門剝落四壁傾。碑

記猶傳安定公。先生講學祀桑梓。人事屢更廟不徙。祇餘几案生塵埃。時聞樹底宿牛豕。君不見大行羊腸莫比數。上有毒蛇下猛虎。一朝火符造樓船。桂柏椅桐氣淒苦。吁嗟銀杏藉公可。不朽爾且孤根託茲士。

陳其年至自陽羨。伯兄招讌卽席限韻。

茫茫世路且悲歌。笙管更深雜奏多。裊裊香煙騰寶篆。娟娟晴月上藤蘿。雕龍家世原堪問。蠟鳳年華最易過。正是客星高會處。柴門昨歲尙橫戈。

水繪菴夜泛

小艇迴溪一徑深。亂鴉叢竹晚沈沈。小三吾下春波靜。日暮瀟湘共此心。

冒丹書

字青若如皋人。

題左寧南軍中說劍圖。贈柳敬亭。

玉帳登壇夜論兵。將軍出塞氣縱橫。可憐多少銜恩客。寫向丹青只柳生。

冒嘉穗

字穀梁如皋人。

上巳脩禊水繪園分賦。

亭亭礪底松。泠泠琴中鶴。陟阿媚層崖。激水映花萼。嬋媛紅芳年。歷歷青山郭。惟恐鷓鴣啼。春花坐零落。

送王阮亭先生北上

僕夫告行邁。車輪何曄曄。出郊授良綬。涕下如汎瀾。六年荷歡愛。感激非一端。詎止顧恩私。實慮知音難。夫子青雲姿。流光照鴛鸞。鄙人守其介。藜藿相盤桓。追餞出郭門。賓從耀銀鞍。豈無一尊酒。簫鼓不能歡。飄飄晨風飛。安得藉羽翰。

冒念祖字立修。號思堂。亦號柳堂。如阜人。家有藏書。披吟不輟。惟不喜帖括事。養若聯吟。坐客常滿。年八十三卒。有遺稿一卷。

題叔父何文先生宅

羊角哀空老。還依左伯桃。鯢魚應可餌。天馬定無槽。通德門難認。青陽巷不囂。倚牕見荼蓼。秋盡未曾薶。

戲柬徐湘浦

小部梨園記昔時。迦陵詞賦阮亭詩。百年歇絕風流後。又見當筵舞柘枝。

程式莊字敬哉。號蒿亭。江都人。工詩。秀水朱檢討彝尊。稱其沈辭硬語。弗徇時尚。近體間涉樊南遺山之問。所著有紅藥書莊詩二卷。

始遊烏龍潭二十韻

無能肆遐矚。跼蹐躑躑蓬蒿近。稍試磽确快如跳。猿猱縈迴出林薄。窸窣歷蘅臯。榛菅沒阿閣。雉兔馳空壕。長亭不可攀。誰復慨勞勞。小憩意纔足。稍深興益豪。茂樹際煙蹬。晚杭捷霜刀。墟遙寡鷄犬。烽靜閒桔槔。飛巖矗傑觀。方瞳疑仙曹。老桂數十本。秋香灑輕颺。孤斟亦復佳。盡我壺中醪。緬懷烏衣郎。千載歇風騷。

潭潭夢筆邸。鷗鷺與猿號。不知野色暝。坐見山月高。志愜路若舊。蹊荒心彌切。懷然下歸策。幽賞欣所遭。三年輒報罷。幸此足遊翺。吾生幾兩屐。何必焚油膏。處賤迫魍魅。固窮守綈袍。裹足那無時。終當挾雲濤。

沔口地有煙波灣

卻月孤城俯大河。一灣清駛接煙波。嶺猿空惜吟楓樹。山鬼休矜帶女蘿。自昔舖糟原盡醉。祇今鼓枻尙聞歌。風帆擘岸知何定。夜雨將愁入敗荷。

山中晚眺

樵風吹笳屨。緩策試婆娑。江上磬初杳。樹頭雲已多。孤帆收蓼溆。遠火下漁歌。更欲尋前磴。沅螢點薜蘿。水後重過橋墅二首

漸見邨煙聚。荒畦復下秋。祠空巢老鶴。樹遠占斜陽。紫秫初冬釀。銀魚昔歲糧。年來歸思切。誰買讀書堂。水鄉多曲港。縛樹得危橋。蓼節拳孤鷺。沙痕閣舊潮。鴨闌漁父宅。牛柵野僧寮。又報秋來旱。山南種豆苗。木瀆舟中

暝煙匝。匝碧玲瓏。幾樹牆隈綻小紅。潭影照書前夜雪。竹聲吹夢隔灘風。孤遊試欲尋僧醉。小泊鰲因得句雄。坐到鴨爐灰篆冷。可能消盡氣如虹。

紅藥書莊雜詩四首

小屋環漣漪。低窗亞紅素。縣縣澣上花。不願漁人顧。葛藟

虛寮香火寂。小徑入檀欒。坐對蹲鴟熟。何人媿嬾殘。煨芋

松子落寒扉。夕陽挂高柳。牆外櫓聲低。賣魚過輞口。水南草堂

十丈藕如船。短篷不知處。晚來山雨多。更入花深去。萬花柴

春曉曲

杏梁落月紗寮冷。紅絡守宮人未醒。抽金柳葉一行斜。兩兩乳雅藏綠影。香篝凝恨倚雲屏。恩恩好夢尙
曹騰遊絲坐對青春老。誰把金烏繫玉繩。簾前鸚鵡嬌如妒。不管人愁亂相訴。小姑初起蠶苦飢。攜筐又
踏桑間露。

朱竹垞楊晚研查查浦三先生晚過草堂小集說詩

寒廳淨秋影。黃花冉虛階。雅興詩興會。盤蹙來青鞵。略無禮俗拘。瓜果亦復佳。瀾翻沔流派。八音鏗鏘諧。
邈然挾微旨。眞骨凌霜崖。幽思若或近。情寄天之涯。別才不關學。啓自嚴叟乖。儼然肆擲拾。騷雅蒙塵蕞。
韓公善持論。膽大超形骸。不由姦窮造。借面終優俳。寄語苦吟人。毋爲工蟲蝸。

北上留別同學

芙蓉塘上把離杯。沉復魂銷暮雨催。瘦馬背人荒磧去。孤城送客夕陽回。天低赤嶺投寒堡。草沒黃金過

廢臺試折一枝南陌柳前途知有杏花媒。

吳世杰

字萬子。號厚菴。高郵人。康熙壬子舉人。乙丑進士。讀書有才略。當甲寅三逆亂後。江西婦女。流亡在揚。州者數百人。務面誓死。道路酸鼻。杰方懷親友所助賞。入都報捐。乃盡出之。仍募所知共贖之。具舟計道。

里費。次第遣歸。庚申水入城中。一晝夜高數丈。杰帥民夫徒跳立水中。羣城。水乃止。乙丑。暴風雨。水衝郭落。杰多賃小舟拯救。水退。復廢流尸無算。民有就賑揚州者。下濕上蒸。慮厲疫。杰治藥餌市米麥以給之。不能歸者。賈舟送還。高郵舊有公正排年等名。民苦於役。會湯文正公斌。巡撫江南。杰以書謁。條指漏卮事。娓娓數千言。爲桑梓請命。湯廉得其狀。悉蠲除之。歲省費鉅萬。邑有趙僕李氏。昏夜遇強暴死。時論介在疑似。恐不得以節烈稱。杰爲文辨之。復作詩立傳。當事悟。強暴卒正典刑。他若白冤囚。字孤釋。恤喪紀。皆爲人所不能爲。至今江淮間。猶稱有用之學云。卒年四十八。著有甓湖草堂詩文集行世。崇祀鄉賢祠。

遊西山勝果寺贈景山上人

駘蕩生春風。杖策出晴郭。馳暉接陰崖。風光浮廣漠。迢迢登化城。鳥喧覆林薄。剔泉灌朱櫻。列石隱紅藥。萬木被華滋。柔夷麗岑嶸。睹此忽心賞。入山非寂寞。四顧欲忘言。仰看雲際鶴。結念青冥上。攀崖意彌敦。懷新餐墜露。寥異挹芳蓀。天外歸鴻迴。階前芝草繁。揮塵揖生公。精言清心魂。繕性觀元化。習靜屏雜氛。與君共怡悅。趺坐青雲根。

裂帛湖

巨靈鑿山眞宰泣。雕鏤萬象寒髓澀。翦取清陰四幕垂。忽焉裂帛天光失。此時驪龍不得眠。怒吐頷珠弄白日。大珠已落小珠隨。迸入空潭媚蕩滴。日光激射無停影。石骨溪毛不敢匿。晞髮陽阿駐晚暉。練曳寒光空佇立。

望洪廣寺

古寺阻嶙峋。巨靈吐鋒鏑。逶迤度回蹊。俯仰坐寥廓。翠棧窮雕鏤。丹幃列鎖鑰。崖峭疑螭蹲。峰盤看龍攫。空谷既澄鮮。飛泉復參錯。文羽傍沙翻。松陰依澗落。塵思生鬱紆。迴眺欣所託。達天境自遣。矜名意已薄。迴首望林陬。紛紛發紅萼。

春日途中

荒臺白尺鬱嵯峨。馬首空歸發浩歌。驛路不隨芳草盡。鄉心偏向白雲多。佳人薄暮吟修竹。山鬼乘風帶女蘿。悵望日南頻極目。樓船下瀨正橫戈。

流民行

疊疊陌上子。飢驅無寧晷。驚聞鄉語一相訊。云住甕湖湖畔東阿里。殷勤語流民。慎勿他鄉徙。他鄉雖云樂。不如還鄉力耕作。飛鳥思故林。遊魚思故淵。況有他鄉疫癘相烹煎。流民流民歸來許。會有慈母來哺汝。

李玉鉉

字貢南。號但山。通州人。康熙丙戌進士。由知縣官至福建按察使。有但山詩草。陳太僕兆崙爲之狀。略云。制撫薦舉粵東賢員第一。聖祖仁皇帝。召而嘉之。授戶部主事。尋遷兵部職方司郎中。雍正元年。出知雲南楚藩。姚安府土司高德厚。怙勢占民田五百三十餘家。七千七百餘頃。民人控告。歷六十餘年。訊鞠未斷。公搜剔罪狀。地歸民業。高視職。五年。世宗召見勤政殿。溫綸獎譽。賜御書。授福建糧儲驛傳道。福之汀州。灘河險阻。歲運兵糧至省。舟多覆沒。官民交困。公奏改折色。至今稱便。八年。陞貴州按察使。調福建。設鳴冤之鑼。

一字之入。必親鞠理。漳州平和縣。有胡家村。重樓峭壁。縣亘十餘里。一家殺無罪數人。制撫行提三年。渠魁未得。請旨發兵行勦。公念大兵一至。玉石無分。泣請大吏。力肩其事。遺原任平和知縣沙漢纓。登山開諭。胡氏感泣。獻囚犯三人。而事以解。又福之臺地。易於種植。內地之民。多往樹藝。有偷渡之禁。而莫之止。公力請制撫。奏明開禁。至今稱樂土焉。雍正十年。告病回籍。十一年。特旨召見。賜御製詩文。端硯二方。人參四觔。貂皮十張。復任福建按察使。十三年。年七十。上疏乞骸骨。予告回籍。立義田千畝。以給族之貧者。乾隆十一年卒。年八十有一。

赴臬司任

竹杖扶持病鶴形。明刑詔下五雲廷。繡衣一著容先瘦。信案將成筆又停。坐月無聲憐鬼哭。擁衾有夢見天青。自慙折獄才原短。切記欽哉勒石屏。

李彩升

字荊州。號一識。通州人。玉鉞次子。附貢生。官桂林訓導。著有課魚莊詩草一卷。

風雨聲

瑟瑟商飈動素秋。況兼細雨柳梢頭。蕭條漸逼重陽節。浙瀝平添旅客愁。帆落暮江遲放棹。簾垂深院怕登樓。最憐籬畔黃花瘦。佇望來朝煙霧收。

李

字望雲。號鐵垣。通州人。彩升次子。附貢生。著梅花樓秋吟一卷。

歸里行

洛陽季子歸故鄉。黑貂破敝愁風霜。函關十叩遭按劍。阿妻見之慵下堂。會稽太守未遇時。拾薪道旁歌楚詞。青蛾泆忍但求去。藁砧如此留何爲。五十富貴君誤矣。公等合死溝中耳。漢廷忽聞莊助言。山樵颯

起紆青紫。阿殿聲。縣鹵簿長。畫行衣錦回鄉里。阿夫擁雪故夫來。一去難收成覆水。當時不願結髮生。只今翻肯投繯死。千古炎涼起婦人。前有季子後翁子。

李紹曾

字真泉。號蓉浦。通州人。早卒。著有蓉浦小草。

寒食日出遊

腰肢纖細掌中輕。綠鬢紅衫半繞城。十里晚風環珮遠。小桃花外一聲鶯。

成康保

字安若。一字商衡。寶應人。康熙壬子舉人。己未進士。授中書。丁卯分校京闈。癸酉典山西試。戊寅以例補外爲台州府同知。壬午卒。崇祀名宦。初康保治台。嘗肅保甲以輯盜。興學校以養才。清屯衛海關積弊。改仙居額徵。解寧海之米爲折色。以便民。台人德之。著有周易圖微。春秋要旨。左傳解。讀史辨譌。詩則有偶閒草。晉遊集。皖遊吟。

述懷

綴石分花小結廬。幽閒真似野人居。狂譚不借三升酒。趺坐能消一卷書。楊柳綠齊春雨後。海棠紅趁曉風初。東隣有客喧闐甚。嬾慢何心問子虛。桓褐朝天漏未殘。明星三五拂征鞍。似拋雪案孤檠外。猶剩霜毫兩袖看。上客軒車逢謝晦。舊家僚佐有任安。歸來莫遣塵侵榻。一曲松風獨夜彈。蕭條官舍晝常局。墨霧茶香自一庭。月上層陰看霧隱。風前薄醉已鈴鐸。爲憐翠袖穿花出。不放紅牙入夜停。列卒鳴笳爭意氣。羞將華髮對台星。